

आकाशवाणी

खबरां ----

1 भारत दे दौरे पर आए दा अरमीनियाई संसद दा इक शिष्टमंडल अज्ज राष्ट्रपति द्रौपदी मुर्मू होरें'गी मिलेया। दौनें मुख्यें बशकार रिश्ते गी होर निगगर बनाने दा धेइया कीता।

2 श्रीलंका दे राष्ट्रपति दिसानायके होरें आखेआ ऐ जे ओह श्रीलंका दी धरतै गी कदें बी भारत खलाफ गतिविधिएं लेई इस्तेमाल नेई होन देडन।

3 उपराष्ट्रपति जगदीप धनखड़ होरें आखेआ जे जिमी दा सोची समझियेँ इस्तेमाल करना लोइचदा तां जे फौज दी तत्परता ते समुदाय दी बेहतरी यकीनी बनाई जाई सकै।

4 प्रधानमंत्री नरेंद्र मोदी होर राजस्थान च 40 जहार 300 करोड़ रपे शां मती कीमत आले 24 प्रोजेक्टें दा उद्घाटन करंगन ते केइयें दा नीह पत्थर बी रक्खंगन।

5 राष्ट्रपति, उपराष्ट्रपति, प्रधानमंत्री ते रक्षा मंत्री राजनाथ सिंह होरें
विजय दिवस दे मौके पर अज्ज 1971 दी लड़ाई दे नायकें गी
श्रद्धांजलि भेंट कीती।

<><><><><><>

President-Murmu

अरमीनिया गणराज्य दा इक शिष्टमंडल उत्थूं दी राष्ट्रीय असेम्बली दे
अध्यक्ष एलन सिमोन्यान हुंदी अगुवाई च अज्ज राष्ट्रपति भवन च
राष्ट्रपति द्रौपदी मुं होरेंगी मिलेआ। शिष्टमंडल दा सुआगत करदे होई
राष्ट्रपति होरें भारत ते अरमीनिया बश्कार सदियें पराने सांस्कृतिक
सरबंधें गी चेता करदे होई आखेआ जे अज्ज बी दौनें मुख्यें बश्कार
कुल संसारी सतह पर मता किश सांझा ते इक्कै जनेआ ऐ। मुर्मू होरें
आखेआ जे भारत अरमीनिया च छमता निर्माण ते हुनर विकास दे
खेतर च विकास दे बक्ख-बक्ख सांझे कार्यक्रमें दे राएं योगदान दिंदे
रौहने दी इच्छेआ रखदा ऐ।

<><><><><><>

India-Srilanka

भारत ते श्रीलंका नै अज्ज दोहरे टैक्स आहली बवस्था शा बचाs ते
सरकारी खजाने च चोरी गी रोकने लेई समझौते दा आदान-प्रदान

कीता। दवें पक्खें श्रीलंका दे सिविल सेवकें दे प्रशिक्षण ते क्षमता निर्माण उप्पर समझौता जापन दा बी आदान प्रदान कीता। दपक्खी गल्लबात मगरा नमीं दिल्ली च इनें समझैतें दा आदान-प्रदान प्रधानमंत्री नरेंद्र मोदी ते भारत जाततरा पर आए दे श्रीलंका दे राष्ट्रपति अनुरा कुमारा दिसानायकें उंदे बशकार कीता गेआ। दवें लीडरें आपसी हितें दे मुद्दें उप्पर विचार बटांदरा कीता। अपने प्रेस बयान च प्रधानमंत्री नरेंद्र मोदी होरें इस गल्ल उप्पर खुशी जाहिर करदे होई आखेआ जे दिसा नायकें होरें राष्ट्रपति दे रूप च पैहली विदेश जातरा लेई भारत गी चुनेआ। उनें आखेआ जे एह जातरा दवें मुख्यें दे सरबंद्धों च नमीं उर्जा ते गति दे संचार करा'रदी ऐ। तोआई दिसानायकें होरें अपने बयाना च गलाया जे उनें प्रधानमंत्री नरेंद्र मोदी होरें गी यकीन दोआया ऐ जे ओह श्रीलंका गी कुसा ऐसे तरीके कन्नै इस्तेमाल कन्नै भारत गी नुकसान पुज्जेआ ऐ भारत दे हितै च नेई होऐ। श्रीलंका दे राष्ट्रपति हुंदा अज्ज बड्डलै राष्ट्रपति भवन दे बेहड़े च औपचारिक स्वागत कीता गेआ। राष्ट्रपति द्रौपदी मुर्म ते प्रधानमंत्री नरेद्र मोदी होरें उंदा स्वागत कीता।

<><><><><><>

Constitution Debate

राज्यसभा च अज्ज भारत दे संविधान दे 75 बरें दे गौरवशाली सफर पर इक खास चर्चा शुरू कीती गई जेदे च केंद्री वित्त मंत्री निर्मला सीतारमण होरें सत्ता पार्टी दी अगुवाई करदे होई अभिव्यक्ति दी आजादी ते संविधान दी रक्षा दे मुद्दे पर गल्लबात कीती। चर्चा दी शुरूआत करदे होई उनें 1949 च इस नियम दी आलोचना करने आस्तै मशहूर गीतकार मजरूह सुल्तानपुरी ते दिग्गज अभिनेता बलराज साहनी गी जेल च पाने दे उस समें दी कांग्रेस सरकार दे फैसले दा हवाला दिता। मंत्री होरें कांग्रेस शासन दौरान प्रतिबंधित कताबें ते फिल्में दा बी जिक्र कीता। सीतारमण होरें आरोप लाया जे कांग्रेस लोकतंत्र गी मजबूत करने दे बजाय इक्कै परोआर दे सत्ता च बैठे रौहने लेई ते ओहदे दी राकखी लेई संविधान च संशोधन करदी रेही।उनें कांग्रेस गी मुख्य च आपातकाल लाने दा नशाना बनांदे होई आखेआ जे आपातकाल दौरान लोकसा दा कार्यकाल विजन कुसै औचित्य दे बधाया गेआ हा ते बधाए गेदे कार्यकाल दौरान पूरे विपक्ष गी जेल च पाई दिता गेआ हा। प्रधानमंत्री नरेंद्र मोदी होर कल राज्यसभा च इस विशेष चर्चा दा परता देंगन।

<><><><><><>

BJP-Papers

भारतीय जनता पार्टी नै अज्ज कांग्रेस पर निशाना लांदे होई आखेआ जे पार्टी दियां साबका अध्यक्ष सोनिया गांधी होरें 2008 च भारत दे पैहले प्रधानमंत्री जवाहर लाल नेहरू हुंदे डोनेटेड काजगात प्रधानमंत्री संग्रहालय ते पुस्तकालय थमां लेई गेइयां हियां। इस संग्रहालय ते पुस्तकालय सोसायटी दे सदस्य ते इतिहासकार रिजवान कारदरी होरें हाल च गै कांग्रेस दे वरिष्ठ नेता राहुल गांधी होरेंगी चिट्ठी लिखिये कागजात वापस करने दी मंग कीती ऐ। संसद दे बाहर मीडिया कन्ने गल्ल करदे होई भाजपा दे प्रवक्ता संबित पात्रा होरें आखेआ जे एह गल्ल सामने आई गेई ऐ जे नेहरू जी हुंदे आसेआ Edurine Mountbatten, Jayaprakash Narayan ते केई होरनें गी लिखी गेदी चिट्ठियें दे तकरीबन 51 डिब्बे सोनिया होरें उस्सले लेई ले हे जिसले ओह यूपीए दियां चेयरपर्सन हियां।

<><><><><><>

Vice President

उपराष्ट्रपति जगदीप धनखड़ होरें आखेआ जे रक्षा सरबन्धी संपत्तियें प्रणाली गी आत्मनिर्भर पारिस्थितिकी प्रणाली च विकसित कीता जाना लोड़चदा जेदे कन्ने फौज दी तत्परता, समुदाय दी भलाई-बेहतरी ते

पोषण सुरक्षा च बाद्दा कीता जाई सकै। अज्ज नमीं दिल्ली च 7में रक्षा संपत्ति दिवस पर व्याख्यान दिंदे होई धनखड़ होरें आखेआ जे जिमी दा इस्तेमाल सोचने आला, समग्र ते नवाचारित होना लोड़चदा ऐ। उपराश्ट्रपति होरें इस गल्लै गी उजागर करदे होई आखेआ जे 2047 च विकसित भारत दे रस्ते च जिमी दा सोचियै समझियै इस्तेमाल करना सब्बनै शा अहम भूमिका निभांदा ऐ।

<><><><><><>

PM-Rajasthan

प्रधानमंत्री नरेंद्र मोदी होर कल राजस्थान दा दौरा करंगन। इस दौरान ओह राजस्थान दी राज्य सरकार दे इक साल पूरा होने दा जश्न मनाने आहले एक वर्ष परिणाम उत्कर्ष कार्यक्रम च हिस्सा लैंगन। इस मौके पर प्रधानमंत्री होर राजस्थान दे जयपुर च 46 ज्हार 300 करोड़ रुपे शां मते दी कमीमत आहली उर्जा, सड़कें, रेलवे ते पानी सरबन्धी 24 परियोजनाएं दा उद्घाटन करंगन ते नींह पत्थर रक्खंगन। इस मौके पर प्रधानमंत्री होर 11 ज्हार करोड़ रुपे शाम ते दी कीमत आली 9 परियोजनाएं दा उद्घाटन करंगन जिंदे च 7 केंद्र सरकार परियोजना ते 2 राज्य सरकार परियोजनां शामिल न। एहदे अलावा ओह 35 ज्हार 300 करोड़ रुपें शा मते दी कीमत आहली 15 परियोजनाएं लेई नींह

पत्थर रक्खंगन जिंदे च 9 केंद्र सरकार दी परियोजनां न ते 6 राज्य सरकार आसेआ न।



PM-Mann ki Baat

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम "तन की बात" राएं औंदी 29 दिसम्बर गी देश विदेश च रौहने आले श्रोताएं कन्नै अपने बचार सांझे करगंन। हर म्हीने दे खीरी ऐतवारें बडलै 11 बजे प्रसारत होने आले इस कार्यक्रम दी एह 117महं किशत होग। कार्यक्रम च शामिल कराने लेई लोक अपने बचार टोल फ्री नंबर 1800-11-7800 पर फोन करियै जां फही नरेन्द्र मोदी ऐप पर बी इस म्हीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाग। एहदे इलावा एह प्रसारण ए.आई.आर न्यूज वेबसाइट ते न्यूज ऑन ए.आई.आर मोबाइल ऐप उपलब्ध होग। एहदे कन्नो कन्नी ए.आई.आर न्यूज, डी.डी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी एहदी लाइव स्क्रीनिंग उपलब्ध होग। आकाशवाणी दे सब्बने स्टेशनें परा मन की बात दे

प्रसारण दे तुरत परैंत उत्थूं दी मकामी भाशाएं च एहदा प्रसारण बी कीता जाग।

<><><><><><>

Dr. Jatinder Singh

विज्ञान ते तकनीकी मंत्री डॉ. जितेन्द्र सिंह होरें नमीं दिल्ली च हर महीने होने आली मंत्रालय दी सांझी बैठक दी अध्यक्षता कीती। बैठक च सब्बने विज्ञान मंत्रालयें ते विभागें दे सचिवें हिस्सा लैता। इस मौके बोलदे होई डॉ. सिंह होरें आह्वान कीता जे सब्बने सरकारी मैहकमे गी लोड़ना लोड़चदा ऐ ते कन्नै कन्नै गै केन्द्र ते राज्यें दे अगगे प्रयास होन जेहदे राएं 2047 दे विकसित भारत दा नजरिया हासल कीता जाई सकै।

<><><><><><>

Condolences-Zakir Hussain

राष्ट्रपति द्रौपदी मुर्मू उपराष्ट्रपति जगदीप धनखड़ ते प्रधानमंत्री नरेंद्र मोदी होरें मशहूर तबलावादक जाकिर हुसैन हुंदे पूरे होई जाने पर गैहरा दुख प्रगट कीता ऐ। जियां जे पैहले बी खबर दिती जाई चुकी दी ऐ जे जाकिर हुसैन हुंदा जंदी रातीं अमरीका च काल होई गेआ। ओह 73एं बरें दे हे। राष्ट्रपति होरें अपनी इक सोशल मीडिया पोस्ट च आखेआ जे उस्ताद जाकिर हुसैन अपनी बेमिसाल सृजनात्मकता ते

तबलावादन च नमिएं अजमैशें लेई जाने जंदे न। द्रौपदी मुर्मू होरें
आखेआ जे जाकिर हुसैन हुंदी मौत संगीत दी दुनिया च इक बड़ा
बड्ठा नुकसान ऐ। उपराश्ट्रपति जगदीप धनखड़ होरें आखेआ जे
जाकिर हुसैन होर अपने पिच्छे इक शानदार विरासत छोड़ी गेन ते
भारत दी सांस्कृतिक पृष्ठभूमि च उंदी कदें नेई मिस्सने आहली छाप
ऐ। प्रधानमंत्री होरें आखेआ जे जाकिर हुसैन होरें तबले दे अंतरराष्ट्रीय
मंच तगर पुजाया ते लक्खें लोकें गी लैह ते ताल च बन्निए रक्खेआ।
प्रधानमंत्री होरें अग्गे आखेआ जे उंदी शानदार उपलब्धियां ते कम्म
औने आहिलियें केइएं पीढ़िएं गी प्रेरित करदियां रौहडन। जम्मू-कश्मीर
दे उपराज्यपाल मनोज सिन्हा होरें बी जाकिर हुसैन हुंदी मौती पर दुख
प्रगट करदे होई आखेआ जे उंदे नेई रौहने कन्नै देसै संगीत दी दुनिया
दी इक कद्दावर हस्ती गी मोआई दित्ता ऐ।

<><><><><><>

Vijay

1971 दी लड़ाई च पाकिस्तान पर भारत दी शानदार जित दे चेतें च
अज्ज पूरा मुख विजय दिवस मना करदा ऐ। इस लड़ाई दरान
अपनी जिंदू दा बलिदान देने आलें गी अज्ज श्रद्धांजलि बी दिती
जा'रदी ऐ। 1971 च अज्जै दे रोज पाकिस्तान दे लैफ्टिनेंट जनरल

ए.ए.खान नियाजी नै अपने 93 जहार सैनिकें कन्नै भारती फौज ते मुक्ति वाहिनी दे सामने आत्म समर्पण कीता हा। विजय दिवस दे उपलक्ष्य उप्पर राष्ट्रपति द्रौपदी मुर्मू होरें आर्मी हाउस च आयोजित इक कार्यक्रम च हिस्सा लैता।

<><><><><><>

Vijay-Udhampur

अज्ज विजय दिवस दे मौके पर उधमपुर च मेजर नारायण सिंह चौक दे श्रद्धांजलि स्थल च बी इक कार्यक्रम दा सरिस्ता कीता गेआ। बक्ख-बक्ख संगठनें फौजियें दे कल्याणकारी संगठन सीनियर सिटीजन क्लब उधमपुर, बपार मंडल उधमपुर, सेवा भारती उधमपुर, तुषार महाजन ट्रस्ट ते बक्ख-बक्ख कालजें ते स्कूलें इस कार्यक्रम च शिरकत कीती। प्रोग्राम दी शुरुआत शहीद सैनिकें गी श्रद्धा-सुमन अर्पित करने कन्नै होई। एहदे मगरा बक्ख-बक्ख स्कूलें दे विद्यार्थियें सांस्कृतिक कार्यक्रम पेश कीते।

<><><><><><>

Samadhan-Portal

केंद्र नै अज्ज आखेआ जे चालू माली बरे दौरान मजदूरी सरबन्धी मुद्दें ते रोजगार सरबन्धी तकरीबन 12 जहार शकैतें गी समाधान पोर्टल पर

दर्ज कीता गेआ ऐ। लोकसभा च इक सवाल दा जवाब दिंदे होई श्रम ते रोजगार मंत्री डॉ. मनसुख मांडविया होरें दसेआ जे इनें शकैतें चा 7 जहार 262 शकैतें दा नबेड़ा कीता गेआ ऐ। केंद्रीय मंत्री होरें दस्सेआ जे Gratuity दी अदायगी सरबंधी कनून, घट्टोघट्ट मजदूरी सरबंधी Minimum wages act, Maturity benefit act, Equal Remuneration Act, Payment of wages act यानि मजदूरी दी अदायगी सरबंधी कनून तैहत 21 जहार शा मते दावे दर्ज कीते गे ते 8 जहार 815 दा नबेड़ा अधिकारियें आसेआ कीता गेआ। उनें एहू बी आखेआ जे आम शकैतें दे मामलें च समाधान पोर्टल उप्पर इस अवधि च 8 जहार 725 ऐतराज दर्ज कीते गेन ते इंदे चा तकरीबन 5 जहार शकैतें दा नबेड़ा कीता गेआ ऐ।

<><><><><><>

MSME

केंद्र सरकार नै आखेआ ऐ जे उद्यम पोर्टल उप्पर 5 करोड़ 50 लकख शा मते MSME दा पंजीकरण कीता गेआ ऐ। पोर्टल इक आनलाइन प्रणाली ऐ जेड़ी लौहकी, भलेयां लौहकी ते दरम्यदाने दर्ज दी उद्यमों गी अपने आप गी पंजीकृत करने दा मौका उपलब्ध करोआंदी ऐ। अज्ज लोकसभा च इक सवाल दा जवाब दिंदे होई वित्त राज्यमंत्री

पंकज चौधरी होरें आखेआ जे भारतीय अर्थ बवस्था इसलै तेजियै कन्नै औचारिक अर्थबवस्था बनने दी दिशा च अग्गे बदरदी ऐ।

<><><><><><>

Education-Ministry

शिक्षा मंत्रालय च राज्यमंत्री जयंत चौधरी होरें जानकारी दिती जे 2019 थमां 2022 तगर 3 बरें च एनसीईआरटी आसेआ चलाए जा'रदे बक्ख-बक्ख निष्ठा कार्यक्रमें तैहत 6 करोड़ 31 लक्ख शा मते अध्यापकें गी प्रशिक्षित कीता गेआ ऐ। मंत्रालय आसेआ आयोजित निष्ठा कार्यक्रम च अध्यापकें दी दक्षता च बाददा करने ते पोषण उप्पर ध्यान दिता गेआ ऐ। अज्ज लोकसभा च प्रश्नकाल दौरान एह जानकारी दिंदे होई मंत्री होरें दस्सेआ जे निष्ठा शिक्षा दी गुणवत्ता च सुधार, समानता गी बढ़ावा देने, राष्ट्रीय शिक्षा नीति ते लक्ष्यें गी हासल करने च इक जीवंत, समावेशी ते भविक्ख आस्तै तैयार शिक्षा प्रणाली बनाने च मती भूमिका निभांदे न। अक्टूबर 2021 थमां लेइयै अज्ज तगर 3 लक्ख 83 जहार शा मते अध्यापकें गी साइबर सुरक्षा सरबंधी आनलाइन सिखलाई बी दिती गई ऐ। मंत्री होरें अग्गे दस्सेआ जे सेना च सिखलाई गी मजबूत करने लेई महत्वपूर्ण गैह बी पुट्टियां जा'रदियां न।

<><><><><><>

Weather-India

पूरे उत्तर ते मध्य भारत च ठंड दी तैहर बदी गई ऐ। मौसम विभाग नै मध्य प्रदेश दी बक्ख-बक्ख थाहरें पर कड़ाके दी ठंड दी पेशगोई कीती ऐ। विभाग नै अगले 3-4 दिनें तगर जम्मू-कश्मीर, लद्दाख, हिमाचल प्रदेश, पंजाब, हरियाणा, चंडीगढ़, विदर्भ, ओडिशा, मध्य महाराष्ट्र, मराठवाड़ा, सौराष्ट्र, कच्छ ते तेलंगाना च बी शीतलैहर दी संभावना जताई ऐ। उआं अगले 2-3 दिनें दौरान तमिलनाडू, तटीय आंध्र प्रदेश, रायीमा च तेज बरखा होने दा अनुमान लाया गेआ ऐ। अगले 2 दिनें दौरान असम, मेघालय, नागालैंड, मणिपुर, मिजोरम, त्रिपुरा, पंजाब, हरियाणा, चंडीगढ़ ते उत्तर प्रदेश च रातीं ते बड़लै घनी धुंध छाई सकदी ऐ।

<><><><><><>